

AGENDRE FEMASO YESU

SENIN 06 APRIL 2026 (Paskah-2)

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, No oi owulo ita oi faondra ba wa'owuawua dödö, me no maoso Zo'aya ya'ita Yesu Keriso moroi ba ngai zi mate. Andrö, ba ddoi Yesu ma'owai Ami : Ya'ahowu, no maoso Keriso.
SATO : Ya'ahowu !
SA : Keriso So'aya, no maoso Keriso
SATO : Duhu, no maoso Keriso.
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 107**

107. NO AURI YESU BA NO MÖNA 1

do = f 3/4

MM = 96 - 104

1. No auri Yesu ba no möna, fa ' abu dödö no awai.
Tasuno Ia samatörö, ba sangorifi fefu soi.
Mo' arota wangöhöli, ba zi sandrohu fekoli.
2. No maoso Yesu ba no möna, lagö lewatö tebokai.
Te' ala wa' abölö horö, Ifa' aso wamohouni.
Si no göna fangelifi, oi Ikaoni ba wa' auri.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba ddoi Lowalangi Ama, ba ba ddoi nono-Nia Yesu Keriso, ba ba ddoi Geheha Ni'amoni'ö. Fangorifida ha ba ddoi Yehowa si no momböi banua si yawa awö danö.....

SATO : YADUHU

SA : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate.
HALELUYA.....

SA : **Manunö** : BZ. : 452

HALELUYA....HALEYA.... HALELU...YA.....

SA : Mangandrö ita :
He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawä wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Ö'faogö ndra'aga ba wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatörö banua si yawa awö danö i'otarai da'e irugi ba zi lö aetu. Yaduhu. **(Mudadao zato)**

3. MANUNÖ moroi ba Mbuku Zinunö Numero 226

226. YA' E NDRA' AGA, SO' AYA

Lala : Faigi Tödö Zangorifi (No. 93)

do = es 4/4

MM = 88 - 96

1. Ya ' e ndra ' aga, So ' aya, ma ' ondrasi Ndra' ugö.
Fao fe ' e ba ta'wa hörö, wanggaluluma khö-Mö.
Böi be ' e dali horöma, temaga tana khö-Mö.
2. He So' aya, omasiga, wondroi si lö atulö.
Ha khö-Mö madönadöna, khö-U so wangepa horö.
Hatö' ö-Gö, khöma, Yesu, fa' aurima Ndra' ugö.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Sinunö 30:1-6**

1. **Sinunö. Ba we'amoni'ö omo; khö Dawido.**
2. **Da'usuno döimö Yehowa, me no ö'efa'ö ndra'o ba me lö niteheu omuso dödü zi fa'udu khögu, ba khögu andre.**
3. **He Yehowa, Lowalangigu! Khöu mu'ao ndra'odo mege, ba no ö'orifi ndra'odo.**
4. **He Yehowa! No ö'ohe yawa nosogu moroi ba mbanua tou; no öfuli ö'orifi ndra'o, moroi ba ngai zi no mulalö mitou ba gohokoho.**
5. **Misuno Yehowa, ya'ami satulö tödü andrö khönia! Mi'andrö saoha gölö ba döinia andrö, ni'amoni'ö!**
6. **Ha sa mamö'i hörö wa'ara wönunia, ba sagötö niha wa'ebua dödünia; ba zi bongi so wege'ege, ba irege mahemolu mbanua, ba fa'iki.**

Simanö daroma Li Lowalangi, da tatema'ö faoma sinunö: BZ.Numero 114: 1

114. NO MAOSO YESU SO'AYA ¹

do = f 4/4

MM = 96 - 104

1. No maoso Yesu So'aya, lewatö no Iröi.
Umbu wa'auri sa Ia, ba sangorifi göi ba sangorifi göi

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödüma ba daroma Li-Mö me Öwa'ö: “ Ya'odo wemaoso ba fa'auri, samati khö-Gu, ba auri, hewa'ae mate ia.” Ba hiza, ba lala wa'aurima seroma'ökhö asese ma'ositengagö ba ma'osilö'ögö Ndra'ugö So'aya, me ma'o'önifakhoi dödüma samösa. Bologö dödü-U khöma, ba be'e aefa khöma horöma andrö. Hakhösi dödü-U khöma So'aya, böi tehe tekiko, törötörö tödü-U wa'ebua dödü-U Awö wa'ahakhö dödü-U khöma. Böi bulö'ö ndra'aga moroi ba wa'omasi ba ba Wangorifi andrö si no Öhöngö ba zamati khö-U.....

¹ Note : Nikolaus Herman 1554

- SATO** : Mangandrö ba dödö zamösana föna Lowalangi.....1 irugi 2 meniti.
SA : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.
SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'o, Ya'odo andre zamunu lalöu andrö, börö ndra'o, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....

- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

7. FOMBASO TAROMA LI LOWALANGI NIBASO FÖNA HUHUUO (AB)

- SA** : Fombaso taroma li Lowalangi föna huhuo tehalö moroi ba zura **Mareko 16:9-18**

9. Ba me no maoso ia, si hulö wongi, me luo migu, ba öföna i'oroma'ö ia khö Maria andrö, banua Magadala, ba nifofanönia bekhu andrö, si dafitu.
 10. Mõi da'ö, i'ombakha'ö ba zi no faofao khönia, si no abu tödö, sege'ege.
 11. Ba ya'ira, me larongo, no auri ia ba no i'ila ia Maria, ba lö faduhu döddöra.
 12. Ba aefa da'ö, ba i'oroma'ö ia ba nawöra, darua, ba lala me mõi ira ba mbanua bö'ö, bö'ö nga'eunia ba da'ö.
 13. Ba mõi da'ö, la'ombakha'ö ba dánö bö'ö andrö, ba ba khöra göi, ba lö faduhu döddöra.
 14. Furi ö i'oroma'ö ia ba zi felezara, me manga ira, ba itegu wa lö mamati ira ba fa'abe'e döddöra, wa lö si faduhu döddöra ba zangila ya'ia, me no maoso ia.
 15. Ba imane khöra: Mi'ae mitöröi guli danö ma'afefu, mituriagö duria somuso döddö andrö, midozigö niha.
 16. Ha niha zamati, nibayagö idanö, da'ö zi falukha fa'auri, ba mbanua furi, ba nitibo'ö zi lö mamati.
 17. Ba da'ö dandra, si fao ba zamati andrö: Ba döigu lafofanö mbekhu; molau li si bohöu ira;
 18. latuyu gulö, ba na labadu langu, famunu, ba lö te'ala ira; latufa tangara zofökhö, ba döhö wökhö.

Ya'ahowu zamondrongo taroma Li Lowalangi ba Same badödö...

- SA+SATO** : Yaduhu

8. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu. Ba si föföna ua da tafondrongo Li Lowalangi me imane:

- ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi döddö zamösana; böi abu döddö, ba tenga ni forege; si no aoha gölö fame'e, da'ö sa zomasi Lowalangi. (II Korindro 9:6-7)

Tafa'ema wasömbata khö Lowalangi, manunö ita moroi ba Mbuku Zinunö
Numero 113

113 NO IFULI AURI YESU 1

do = g 4/4

MM = 96 – 104

1. No Ifuli auri Yesu, ni susugi Yehowa.
Oi te ' ala zaradadu, somba' agö femöna.
Oi mudögö gulidanö, me möi tou mala ' ika.
Si möi mamokai lewatö, ba nibe ' e So ' aya.
2. No ifuli auri Ia, oi tobali dödöra.
No oroma mege khöra, me alele ba röfa.
No Ila'wa wa' amate, ba no möna Zo' aya.
Tandra Ia si föföna, nesusugi Yehowa.
3. Fao khö Yesu auri ita, na ta' o' ö li-Nia.
Si so ba gambölö Nama, mangandrö salahida.
Ihönagö Iföfö' ö nahia zamösana.
Fefu zamati khö-Nia oi lasöndra wemöna.

SA :

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö numero 261

261. YA'E ZUMANGE 2

do = d 4/4

MM = 62 – 68

Ira'alawe

1. Ya ' e zumange fa-sömbata, ma ' ohe sumange Yehowa.
Iramatua
Reff :Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)* **Mudadao Zato**

9. KOOR/VOKAL GROUP

- SA :
- Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiatan Komisi Bapak
 - c. Kegiatan Koremda
 - d. Kegiatan Sektor 3
 - e.

**10. MANUNÖ
SA**

: Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma'ökhö ba si'ogötö'ö lö sa mamalö. Taroma li-Mö si möi fangabölö utema'ö soroi ba dödö, tolo ba wolo 'ö.

**11. HUHUA SEBUA
SH**

: Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi *Yesaya / Yesaya 26:17-19 (Tuho:Yehowa Zanusugi Niha si no Mate / Tuhan Membangkitkan Orang Mati)*
- b. Fanuriaigö
- c. Nitanö ba dödö. *Sinunö / Mazmur 30:4 (He Yehowa! No Ö'ohe yawa nosogu moroi ba mbanua tou; no Öfuli Ö'orifi ndra'o, moroi bangai zi no mulalö mitou ba gohokoho. / Tuhan, Engkau mengakat aku dari dunia orang mati, Engkau menghidupkan aku di antara mereka yang turun ke liang kubur.)*
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

do = es 4/4

MM = 96 - 104

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

**12. TUHO WAMATI
SA**

: Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO

- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amon'i'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amon'i'ö, ba ufati ha sambua mbanua

ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 333 Ayati 1-2**

333. MIFAOSO BA DÖI YESU 1

do = a. 4/4

MM = 96 - 104

1. Mifaoso ba döi Yesu, mi ' olembai röfa.
Razo sabölö Ia, same ' e femöna.
Na so wa ' aro dödö, wolo ' ö Ya' ia
Oi möwö fefu nudu, ata ' u ba aila.
2. Mifaoso ba döi Yesu töngöni li-Nia.
Mitimba fefu nudu no inötönia.
He hönö zi fa' udu fakake gafökha.
Ba böi so wa' ata' u lö fa' ate' ala.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(totohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **333 ayati 3**

333. MIFAOSO BA DÖI YESU 1

do = a. 4/4

MM = 96 - 104

3. Mifaoso ba döi Yesu andrö wangabölö.
Na ha fa' abölömö si tebai ndra' ugö.
Oguna' ö wangöna ba föda Geheha.
Angandrö, ama' anö, si fao fangelama.

SH : YA'AHOWU

SATO : YA'AHOWU